

Nova hit komedija Indire Kučuk Sorguč, „Ja, Bosanac“, gostovaće u Cazinu, u okviru obilježavanja Dana nezavisnosti BiH. Ovu pozorišnu komediju na sceni izvode Aldin Tucić u ulozi posljednjeg bosanskog Bogumila i Negra Čičić u ulozi Evropljanke Čevljanovičke.



Lik Bosanca je lik zbuđenog čovjeka, koji je sve samo nije srednjak. Hoda po tankoj žici između eksplozivnosti i malodušja. On sve što radi radi iz inata i prkosa. U inat svima, a protiv sebe. U ovoj komediji pratimo Bosanca koji ima mišljenje o svemu, a nigdje nije prispio. Sve zna, a nema rezultata. Kivan je na Evropu, nogometnu reprezentaciju, žene, djecu, pse, strance, Arape, dijasporu, politiku, muzikante, prevarante, trendove... na sve. Jedino ludo voli svoju Bosnu i na pjesmu o Bosni on lomi čaše.

Ovu komediju poznate bosanske spisateljice, koja je gostovala širom BiH i regiona, Grad Cazin i gradonačelnik poklanjaju svojim građanima i svima koji vole pozorište i veliku dozu smijeha. Na sceni Kulturnog centra Cazin zaigraće u utorak, 03.03.2020. godine u 19:00 h. Ulaz je potpuno BESPLATAN za sve.